

Broj: 101- 11301/19 DŽS
Zenica, 09.08.2019. godine

Na osnovu člana 32. i člana 64., stav 1., tačka (b), člana 70. stav 1., 3. i 6. Zakona o javnim nabavkama („Službeni glasnik BiH“, broj 39/14), na Preporuku Komisije za nabavku broj: 716-11299-1/19 DŽS od 09.08.2019. godine, a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

ODLUKU
o izboru najpovoljnijeg ponuđača

I

Usvaja se Zapisnik o ocjeni ponuda sa preporukom za dodjelu okvirnog sporazuma za javnu nabavku broj: 716-11299/19 DŽS od 09.08.2019. godine u postupku dodjele okvirnog sporazuma za nabavku drvene građe, i prihvata se preporuka Komisije za nabavke, da se okvirni sporazum zaključi sa ponuđačem:

PERO d.o.o. Zenica

prema ponudi, protokolisanom pod rednim brojem: 716-10984/19 od 31.07.2019. godine, za ponuđenu cijenu u iznosu od 46.592,00 KM bez uračunatog PDV-a, kao najbolje ocijenjenom ponuđaču.

II

Prijedlog okvirnog sporazuma dostavit će se na potpis izabranom ponuđaču PERO d.o.o. Zenica, u skladu sa članom 98. Zakona o javnim nabavkama.

III

Cijena ponude iz čl.1. ove Odluke, nakon provedene e-aukcije je umanjena za 2,18 % u odnosu na prvobitno ponuđenu cijenu izabranog ponuđača.

Procenat iz prethodnog stava će se obračunati kao rabat prilikom ispostavljanja faktura ili će se pojedinačne cijene prilikom fakturisanja umanjiti za navedeni procenat.

IV

Za izvršenje ove Odluke zadužuje se Komisija za nabavke, Služba za pravne, opšte i kadrovske poslove te Komercijalna i Finansijska služba u preduzeću.

V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 101-10103/19 BS od 16.07.2019. godine.

Javna nabavka je provedena putem konkurentskog zahtjeva za dostavu ponuda, sa zaključivanjem okvirnog sporazuma sa jednim ponuđačem na period od 24 mjeseca.

Procijenjena vrijednost javne nabavke bez uračunatog PDV-a je 49.000,00 KM.

Dana 18.07.2019. godine na Portalu javnih nabavki, istovremeno sa objavljivanjem obavještenja o nabavci broj: 439-7-1-338-3-66/19 objavljena je i tenderska dokumentacija.

Poziv za preuzimanje tenderske dokumentacije broj: 713-10103-2/19 BS od 18.07.2019. godine upućen je sljedećim ponuđačima:

1. Nansi d.o.o.
2. INTER-COM d.o.o. Zenica
3. ALMY d.o.o. Zenica
4. AL-EX d.o.o. Zenica

Na osnovu Izvještaja o preuzimanju tenderske dokumentacije od strane ponuđača od 07.08.2019. godine u 07:39 sati, utvrđeno je da su sljedeći ponuđači preuzeli tendersku dokumentaciju:

1. AMPLITUDO d.o.o.
2. Ekapija d.o.o.
3. BBS Europe
4. Drvoplast d.o.o. Busovača
5. Glovis
6. Pero d.o.o. Zenica
7. Pignus d.o.o.
8. Almy d.o.o. Zenica
9. EKO-BEL d.o.o. Laktaši

Rok za dostavljanje ponuda je bio 01.08.2019. godine do 13:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su tri ponude u zatvorenoj koverti, i to:

1. PIGNUS d.o.o. Sarajevo
2. ALMY d.o.o. Zenica
3. PERO d.o.o. Zenica

Komisija za nabavku imenovana je Odlukom broj: 101-1/19 MS od 03.01.2019. godine.

Komisija za nabavku je dana 09.08.2019. godine direktoru preduzeća dostavila Zapisnik o ocjeni ponuda broj: 716-11299/19 DŽS od 09.08.2019. godine i Preporuku o izboru najpovoljnijeg ponuđača broj: 716-11299-1/19 DŽS od 09.08.2019. godine, u postupku javne nabavke za nabavku drvene građe.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno izvršila otvaranje ponuda i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 3 (tri),
- da su blagovremeno zaprimljene 3 (tri) ponude,
- ukupno 9 (devet) ponuđača je preuzelo tendersku dokumentaciju sa Portala javnih nabavki.

Dana 01.08.2019. godine u 14:00 sati, Komisija je izvršila otvaranje pristiglih ponuda u skladu sa članom 63. Zakona o javnim nabavkama (Sl. glasnik BiH, broj: 39/14), sačinivši o tome Zapisnik o otvaranju ponuda (zapisnik u prilogu) i izvršila evaluaciju pristiglih ponuda u skladu sa traženim uslovima u tenderskoj dokumentaciji.

Komisija je izvršila i provjeru računске ispravnosti ponuda.

Nakon ocjene ponuda Komisija je sačinila Zapisnik o ocjeni ponuda broj: 716-11299/19 DŽS od 09.08.2019. godine i provjerom sadržaja i validnosti dokumentacije, utvrdila sljedeće:

Uvidom u priloženu dokumentaciju, konkurentskog zahtjeva za dostavu ponuda broj: 713-10103/19 BS – nabavka drvene građe, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama (Sl. glasnik BiH, broj: 39/14), i članu 17. Uputstva za pripremu modela tenderske dokumentacije i ponuda (Sl. glasnik BiH, broj: 90/14), nije našla osnovan razlog da izrazi sumnju da je ponuđena cijena bilo kojeg ponuđača neprirodno niska.

Ponuđač ALMY d.o.o. Zenica je ponudu dostavio na pogrešnom obrascu Aneks 1 - Obrazac za cijenu ponude. Iz navedenog razloga ponuda ponuđača ALMY d.o.o. Zenica se odbacuje u skladu sa članom 68., stav 4., tačka (i) Zakona o javnim nabavkama BiH.

Ponuđači PIGNUS d.o.o. Sarajevo i PERO d.o.o. Zenica su dostavili formalno-pravno i tehnički zadovoljavajuće ponude, te je ugovorni organ, shodno odredbi čl.4. Pravilnika o načinu korištenja e-aukcije navedenim ponuđačima zakazao e-aukciju za dan 09.08.2019. godine, u terminu od 10:20 sati. Oba ponuđača su, u skladu sa tačkom 8. tenderske dokumentacije, dostavila Izjavu kao dokaz o preferencijalnom tretmanu domaćeg.

Ponude ponuđača, prije početka e-aukcije su:

1. PIGNUS d.o.o. Sarajevo, sa ukupnom cijenom ponude u iznosu od 48.990,00 KM bez PDV-a
 2. PERO d.o.o. Zenica, sa ukupnom cijenom ponude u iznosu od 48.000,00 KM, bez PDV-a
- E - aukcija je održana u zakazanom terminu.

U e-aukciji ponuđači su mijenjali iznose svojih ponuda.

Konačne ponude, nakon završetka postupka e-aukcije su:

1. PIGNUS d.o.o. Sarajevo, sa ukupnom cijenom ponude u iznosu od 47.000,00 KM bez PDV-a
2. PERO d.o.o. Zenica, sa ukupnom cijenom ponude u iznosu od 46.952,00 KM, bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je ocijenila, prema utvrđenom kriteriju „najniža cijena“, prihvatljivih ponuda/ponuđača kako slijedi:

1. PERO d.o.o. Zenica, sa ukupnom cijenom ponude u iznosu od 46.952,00 KM, bez PDV-a
2. PIGNUS d.o.o. Sarajevo, sa ukupnom cijenom ponude u iznosu od 47.000,00 KM bez PDV-a,

te dala preporuku da se okvirni sporazum zaključi sa najuspješnijim ponuđačem PERO d.o.o. Zenica, na period od 24 mjeseca.

U postupku ocjene provedenog postupka, Direktor preduzeća nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za nabavku.

Iz navedenih razloga, primjenom člana 32. i člana 64., stav 1., tačka (b). Zakona o javnim nabavkama, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 5 (pet) dana od dana prijema ove Odluke.



Direktor:

Emir Pašalić
Pašalić Emir, dipl.ing.građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.posl.
- 1 x Pom. dir.za razvoj i invest.
- 1 x Komercijalna služba
- 1 x Tehnička služba
- 3 x Članovima Komisije
- 1 x Sekretar Komisije
- 1 x a/a